

Da poi disnar, fo Collegio di la Signoria, e vene l' orator di l' imperator, per aldir sier Alvise Foscari, fo proveditor a Ravenna, per certi arzenti trovadi, con salvoconduto dil capitano nostro et di sier Alvise Pixani procurator, provedador zeneral, et *tamen* fo spazà per contrabando.

190* *A dì 4, marti santo*, la matina. Fo Gran Conseio, iusta il solito. Vene il Serenissimo. Fo prese molte gratie, ma una di sier Filippo Capello di sier Polo el cavalier, vol far certi molini di sora Bassan, balotà 2 volte non fu presa. *Item*, di uno altro, si volea apresenter, non fu presa. Et una di sier Nicolò Salamon et fratelli qu. sier Hironimo, vol far certa fabrica su la strada, *unde* sier Michiel Salamon qu. sier Nicolò, so vexin, à interesse, andò a la Signoria, dicendo voler esser aldito, e non fo mandà.

Da poi disnar, fo Pregadi, et posto per li Consieri la parte di acetar la seusa di sier Lunardo Mozenigo procurator, in savio dil Conseio, per la età di anni 84, et presa. 153, 5, 1.

Scurtinio di un Savio dil Conseio, in luogo di sier Lunardo Mozenigo procurator.

Sier Sebastian Justinian el cavalier, è ambassador in Franza, qu. sier Marin. 89. 86

Sier Marco Foscari, fo ambassador al Summo Pontifice, qu. sier Zuanne. 70.103

Sier Piero Lando, fo savio dil Conseio, qu. sier Zuanne. 96. 82

† Sier Alvise Mozenigo el cavalier, fo savio dil Conseio, qu. sier Thomà . 118. 55

Savio di Terraferma, in luogo di sier Marco Foscari à refudado.

Sier Marco Antonio Barbarigo, fo podestà e capitano a Ruigo, qu. sier Francesco 49.122

Sier Francesco Morexini el dottor, qu. sier Gabriel 57.111

Sier Antonio Donado, è di Pregadi, qu. sier Bortolomio. 82. 91

† Sier Marco Antonio Corner, fo savio a Terraferma, qu. sier Zuanne . . 110. 65

Sier Agustin Surian, è di Pregadi, qu. sier Michiel 85. 92

Sier Marin Justinian, fo savio a Terraferma, di sier Sebastian el cavalier 89. 81

Sier Nicolò Bon, fo a la Chamara di imprestidi, qu. sier Domenego. . . . 90. 88

Sier Alvise Foscari, fo podestà a Verona, qu. sier Nicolò. 98. 76

Sier Marin Sanudo, fo di la Zonta, qu. sier Lunardo 67.120

Sier Valerio Marzelo, fo savio a Terraferma, qu. sier Giacomo Antonio el cavalier 102.106

Sier Marco Barbarigo, qu. sier Bernardo, qu. Serenissimo 90. 85

Sier Hironimo da chà da Pexaro, fo savio a Terraferma, qu. sier Nicolò . 98. 78

Sier Dolfìn Dolfìn, è di Pregadi, qu. sier Dolfìn (*Piero*) 82. 91

Nota. Io Marin Sanudo erra amalato, stato malissimo, et fui tolto contra mia voglia. Dio perdoni a chi mi tolse.

Introe savio dil Conseio sier Alvise Mocenigo el cavalier, subito rimasto.

Di Bergamo, di sier Marco Morexini dottor, podestà, e sier Stefano Magno capitano, fo leto *lettere* drizate a li Cai di X. *Item, di Brexa, di retori, e di Verona*. Zercha questi progressi dil castellan di Mus, *ut in eis*.

Fu posto, per li Savii, lettere ai retori di Bergamo, debino far homeni di le vale, e meterli in la cità. *Item*, scritto a Brexa, et.

In questo Conseio, il Serenissimo referite esser venuto in Collegio uno novo orator dil duca de Milan, domino Zuan Batista Spiciano, et disse quello à esposto zercha queste motion dil castellan di Mus, qual tien sia con intelligentia dil re di Franza, exortando la Signoria a far fanti et aiutarlo, achadendo, etc.

Fu posto, per li Savi, expedir sier Marco Antonio Venier el dottor, va orator al Summo Pontifice, aziò sier Antonio Surian dottor e cavalier possi venir, per andar con le galie capitano a Famagosta; *videlicet* darli per mexi 4, a ducati 150 d' oro al mexe, et per cavali ducati 150, al secretario in don ducati 50, coperte e forzieri ducati 30, do corieri ducati 20, e possi portar con sì arzenti per ducati 400 a risego di la Signoria nostra. Ave : 157, 3, 1.

Fu posto, per tutto il Collegio, atento le lettere dil conte di Traù, di l' incendio sequito in quella cità in uno borgo di più di caxe 40, et voleno re-farle, voriano trazer legnami senza dazio per ducati 60, li sia concesso *ut supra*. 172, 3, 1.